



Pangilin sa Paghalad sa Basilika Laterana Nobyembre 9, 2014

Ma-Dominggong Tamdanang Liturhikal alang sa Simbahan sa Kabus sa Diwa sa Bag-ong Ebanghelisasyon

Ang Simbahan sa Kabus, Adiha sa Gagmayng Simbahanong Katilingban, makapuyo sa iyang pagka-subersibong timaan sa Kabalaan diha sa pagpanday ug Kalinaw pinaagi sa mga buhat sa Katarungan.

Atong ipadayon ang pagpamalandong sa panglantaw sa PKP-II bahin sa Simbahang Nagbag-o nga nagapunting karon sa Pagkadisipulo diha sa Katilingban. Human sa iyang pamalandong bahin sa Simbahan nga usa ka Komunyong, mipadayon karon ang PKP-II sa paghisgot bahin sa Pag-apil o Partisipasyon. Siya nagkanayon:

“K.2 Ang Pag-apil o Partisipasyon

(98) Kining mga pulonga sa Santo Papa nagdala kanato ngadto sa pag-apil, usa ka mahinungdanon kaayong bahin sa Simbahan isip Komunyong. Diha sa lawas ni Kristo, ang matag usa nakaangkon ug gasa nga ipaambit gikan sa Espiritu, ug ang matag usa usab nanginahanglan sa gasa gikan sa tagsa-tagsa alang sa pagpalambo sa lawas ug sa paghingpit sa iyang misyon. Diha sa Simbahan, walay kabus kaayo nga wala nay ikahatag, ug walay adunahan kaayo nga dili na makadawat.

(99) Dinhi sa Pilipinas, ang pag-apil, sa dakong pagkasulti, nagkahulugan sa pagsangkap sa mga layko aron maka-apil sila nga mas hingpit sa kinabuhi sa Simbahan ug sa iyang mga buluhaton sa misyon.” Kanang kinabuhia ug buluhaton, sa dugang nang panahon, gitan-aw nga daw hapit eksklusibong espesyal nga tulubagon sa mga gipiling pastol, ang mga pari ug mga obispo sa Simbahan. Kining pit-os nga pagsabot malampusong nagpakunhod sa mga layko ngadto sa pagka-magdadawat lamang sa mga pag-amomang pastoral, walay lihok ug masulundong tigdawat sa mga kalihokang ebanghelisasyon sa mga klerigo. Sa pagkatinuod, ang mga laykong magtotoo, subay sa katungod, mga tigsangyaw usab sa ebanghelyo, mga aktibong lumilihok sa Nindot nga Balita, gitahasan sa mao gihapong mga buluhaton sa misyon sa pastol sa Simbahan.”

Sa inyong GKK ug parokiya, ilatid ang mga timailhan sap ag-apil sa mga layko sa misyon sa ebanghelisasyon. Unas man gyud ang ilang mga gibuhay aron matawag sila’g “mga tigsangyaw usab sa ebanghelyo, mga aktibong lumilihok sa Nindot nga Balita, gitahasan sa mao gihapong mga buluhaton sa misyon sa pastol sa Simbahan”? Gikan sa inyong mga tubag ug pamalandong, sa inyong banabana unsang ang-anga na ang nakabot sa inyong GKK ug parokiya: masusong bata, bata, batan-on, batan-ong hamtong, hamtong, na asa tunga-tunga sa kinabuhi o bulawanong mga katuigan nga puno sa kinaadman? ■

RITO SA PAGESUGOD

(Tan-awa Reb 21:2)

Nakita ko ang balaang dakbayan, ang bag-ong Jerusalem, nanaug gikan sa langit gikan sa Diyos, giandam nga sama sa pangasaw-onon nga gidayandayanan sa iyang banahon.

P: Sa ngalan sa Amahan ug sa Anak ug sa Espiritu Santo.

K: Amen.

P: Ang Ginoo maanaa kaninyo.

K: Maanaa usab kanimo.

Pasiuna ug Pag-abi-abi

P: Mga igsoon: Maayong pag-abot dinhi sa atong kasaulogan sa Santos nga Pasalamat. Magpasalamat kita sa Diyos tungod sa di-maihap nga mga bendisyon nga atong nadawat gikan Kaniya, ilabi na ang panalangin sa pagka-balaan, sa diwa sa pagbatok sa kangil-ad ug korupsiyon. Mag-ampo kita nga kitang tanan lig-onon sa Espiritu Santo sa pagsunod kang Jesus, ang subersibo, ug ang pag-apil sa pagpanalipod sa Templo sa Ginoo nga mao ang katilingban sa katawhan alang sa Kalinaw nga bunga sa Katarungan.

Akto sa Paghinulsol

P: Mga igsoon: pangayoon nato karon sa Ginoo ang pasaylo sa atong mga sala aron mahimo kitang takus sa pagsaulog niining mangilngig nga misteryo sa gugma ug kaaghop sa Ginoo.

P: Ginoong Jesus, gitawag mo kami kanunay aron mahimong balaan. Ginoo, kaloy-i kami.

K: Ginoo, kaloy-i kami.

P: Ginoong Jesus, gitawag mo kami kanunay aron molihok alang sa katarungan. Kristo, kaloy-i kami.

K: Kristo, kaloy-i kami.

P: Ginoong Jesus, gitawag mo kami kanunay aron pandayon ang kalinaw. Ginoo, kaloy-i kami.

K: Ginoo, kaloy-i kami.

P: Kaloy-an unta kita sa Dios nga makagagahum sa tanan ug pasayloon ang atong mga sala, dad-on unta kita niya

ngadto sa kinabuhing dayon.

K: Amen.

Himaya sa Diyos didto sa langit...

Kolekta

P: Mag-ampo kita : O Diyos, nga nahinangop ka sa pagtawag sa imong Simbahan isip Pangasaw-onon, itugot nga ang katawhan nga nag-alagad sa imong ngalan mosimba unta kanimo, mahigugma kanimo ug matultolan nimo sa pagkab-ot sa mga saad sa langit. Pinaagi sa among Ginoong Jesukristo imong anak, nga buhi ug hari uban kanimo sa kahiusahan sa Espiritu Santo, Diyos nga usa hangtud sa kahangturan.

K: Amen.

LITURHIYA SA PULONG

Unang Pagbasa: Ezekel 43:1-2.4-7

L: Ang Pagbasa gikan sa Basahon ni Propeta Ezekiel

(Basahon gikan sa Kasulatan)

L: Ang Pulong sa Ginoo.

K: Salamat sa Dios.

Komentaryo sa Ezekel 43:1-2.4-7:

Kini mao ang panglantaw sa propeta sa bag-ong templo sa panahon sa pagkabihag. Human sa mga pagkagun-ob, sa mga pagminatay ug pagkabihag, mosunod na ang pagbalik sa Israel ngadto sa iyang yutang natawhan. Pino kaayo ang gambalay sa templo: ang pinakabalaang dapit anaa sa pinakalawom nga sulod sa templo halayo ang pagkahamulag niini gikan sa mga kahugaw ug mantsa sa gawas. Mao kini ang puluy-anan sa Ginoo. Gikan dinhi amomahon niya ang iyang katawhang Israel. Tataw kaayo alang sa propeta nga kon ang templo sa Ginoo ug ang palasyo sa hari managsilingan sa mao rang luna sama sa kaniadto, malapasan ang balaang puly-anan sa Ginoo sa pagputa-puta, buot ipasabot, sa mga inhustisya ug pangpanglupig batok sa kabus gikan sa mga kamot sa mga mapahitas-on, mga adunahan ug mga gamhanan, ug sa mga patayng lawas sa ilang mga hari, nga sa ato pa, sa mapadayonong pag-alsa sa katawhan, sa kudeta ug pagbanaw sa dugo.

Salmo Responsory: Salmo 122:1-2.3-4.8-9

(Basahon gikan sa Kasulatan)

Komentaryo sa Salmo 122:

Usa kini ka awit alang sa Jerusalem. Ang balak puno sa aliterasyon ug sonoridad, nagdula sa mga tunog sh, l ug m. Kon kining mga tunoga tibok-on, mogawas ang pulong “shalom”: kalinaw! Ang gambalay sa balak mao gyud kini: ang katawhang perigrino anaa na sa ganghaan sa Jerusalem ug sila nangalipay pag-ayo; sa katapusan sa balak maga-ampo sila alang sa kalinaw sa Jerusalem. Sa tunga niining maong gambalay mao ang balay sa Ginoo diin anaa mahimutang ang trono sa katarungan. Ang buot ipasabot sa pulong Jerusalem: Siyudad sa Kalinaw o Kahayag sa Kalinaw. Usa ka kalinaw nga migitib gikan sa lingkuranan sa Katarungan.

Ikaduhang Pagbasa: 1 Korinto 3:9-13.16-17

L: Pagbasa Gikan sa Unang Sulat ni San Pablo ngadto sa mga Taga-Korinto

(Basahon gikan sa Kasulatan)

L: Ang Pulong sa Ginoo.

K: *Salamat sa Dios.*

Komentaryo sa 1 Korinto 3:9-13.16-17:

Human sultihi ni Pablo ang Kristohanong katilingban sa Korinto bahin sa ilang pagkabinata sa pagtoo nga maoy hinungdan sa ilang kakulang sa pagsinabtanay ug pagkabahinbahin, iya na karong gigakos ang iyang mga hinigugmang taga-Korinto pinaagi sa duha ka matahom gyud kaayong mga paglarawan isip katawhan: (a) kamo ang darohan sa Ginoo, ang iyang balay, ug kita, mga apóstoles, ang mga kaubang mamumuo lamang, dili mga tag-iya sa darohan ni sa iyang puluy-anan. Ang lintunganayng sukaranan mao si Kristo Jesus; (b) kamo ang mga templo sa Diyos ug ang puluy-anan sa Espiritu Santo. Busa, balaan kamo. Kinsa gani kadtong mogun-ob kaninyo makaani sa paglaglag sa Diyos!

Berso sa Aleluya:

L: Aleluya, aleluya. R: Aleluya, aleluya!
Gipili ko ug gikonsagrar ko kining balaya, matud sa Ginoo, aron ang akong ngalan magpabilin diha hangtud sa kahangturan!

L: Aleluya, aleluya.

Ebanghelyo: Juan 2:13-22

P: Ang Ginoo maanaa kaninyo.

K: *Maanaa usab kanimo.*

P: Ang Santos nga Ebanghelyo sumala ni San Juan.

K: *Himayaon ikaw, O Ginoo.*

(Basahon gikan sa Kasulatan)

P: Ang Ebanghelyo sa Ginoo.

K: *Daygon Ikaw, O Kristo.*

Komentaryo sa Juan 2:13-22:

Dili tuyo niining pakigpulonga nga Si Jesus mismo ang subersibong timaan nga naglimpyo sa templo ug nagpahiuli sa tanang mga nilalang balik ngadto sa Amahan. Linisan ni Jesus ang tanan sukad pa gayod sa pagsugod sa iyang pagpangalagad. Sudlon niya ang uyukan sa maong butang. Gilinisan niya ang sentro sa Hudiyong kinabuhi: ang templo, ug uban niini, ang tanang mga butang ekonomikanhon, politikanhon, katilingbanon, pangkultura ug pangrelihiyon nga nahilambigit niini. Sa iyang pagpuli sa karaang templo pinaagi sa iyang lawas isip luna sa pagsimba, gisalikway ni Jesus ang ekonomiya sa hut-ong nga mapahimuslanon, di-makatarunganon ug eksklusibo nga gipaluyohan sa komersyo sa templo. Tinuod gayud nga ang templo isip merkado kinahanglang ilisdan sa iyang lawas, ang persona sa gugma. Dinhi ang pagsimba mailhan sa bag-ong pamaagi sa pagpuyo nga dinasig sa Espiritu Santo (Juan 20:22). Kini ang kinabuhi sa pagsimba diha sa Espiritu sa kamatuoran ug kalinaw (Juan 20:19-20), sa pasaylo ug pagpakig-uli (Juan 20:22) ug sa Eukaristiya nga konkretong nagpakaon sa mga karnero ug nagpakaon sa panon (Juan 21:12-17). Alang kang Jesus, ang bag-ong Templo mopuli sa merkado, pinaagi sa himaya sa Diyos!

Wali: Ang Simbahan sa Kabus, diha sa Gagmayng Simbahanong Katilingban, makapuyo sa iyang pagka-subersibong timaan sa Kabalaan diha sa pagpanday ug Kalinaw pinaagi sa mga buhat sa Katarungan.

Mobalik Siya aron paghukom sa mga buhi ug sa mga minatay. Nagatoo usab ako sa Espiritu Santo, sa santos ug Katoliko nga Simbahan, sa pagpasaylo sa mga sala, sa pagkabanhaw sa lawas, ug sa kinabuhing walay katapusan. Amen.

Sumadang Mensahe sa mga Pagbasa sa Dominggo	Ang Simbahan sa Kabus: Konkretong Hulagway sa kabus ug sa ilang kahimtang	Mga Puntos para sa Pamalandong/Panawagan/Hagit
<p>Ang Simbahan sa Kabus, diha sa Gagmayng Simbahanong Katilingban, makapuyo sa iyang pagka-subersibong timaan sa Kabalaan diha sa pagpanday ug Kalinaw pinaagi sa mga buhat sa Katarungan.</p>	<p>Sa inyong kasinatian sa GKK ug parokiya ug sa katilingbang inyong gipuyan, unsa may mas labing bililhon, ang kabus o ang mga butang sa merkado? Paghatag ug mga pananglitang nagpakita kon asa niining duha ang mas bililhon. Unsa may inyong gibuhang bahin niini?</p>	<p>“Diha sa Simbahan, walay kabus kaayo nga wala nay ikahatag, ug walay adunahan kaayo nga dili na makadawat.” “Kita ang Lawas ni Kristo ug ang puluyanan sa Espiritu Santo.”</p>

Mga Katilingbanong Pag-ampo

P: Mga igsoon, mapahiubasanong pangayoon nato karon sa Diyos, ang atong langitnong Amahan, nga patalinghugan niya ang atong ubos nga mga pag-ampo. Sa matag pag-ampo kita motubag: **Ginoo, tabangi kami nga mahimong templo sa imong Espiritu.**

T: *Ginoo, tabangi kami nga mahimong templo sa imong Espiritu.*

L: Mag-ampo kita alang sa Simbahan: nga isip Simbahan sa Kabus sa tibuok kalibutan, siya unta malig-on pinaagi sa Espiritu Santo sa iyang mapadayonong pagsaksi isip subersibong timailhan sa kabalaan alang sa kawsa sa Kalinaw sa Ginoo nga bunga sa paglihok alang sa Katarungan. Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

L: Alang sa atong Santo Papa Francisco I, sa mga obispo, pari, diyakono, kanilang nanagpuyo sa kinabuhing konsagrado ug sa tanang gitugyanan sa pag-amoma ug pagdumala sa Simbahan isip Katawhan sa Dios: nga, pinaagi sa ilang pag-ambit sa mga pagbati sa kasingkasing ni Jesus, ila untang ipadayon ang pagtukod ug pagpanday pag-usab sa Simbahan isip Katilingban sa Katawhan pinaagi sa pagdawat sa partisipasyon sa mga layko sa misyong gipanag-ambitang ug dili sa pribiliheyong hinatag gikan sa gahum sa hirarkiya. Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

L: Alang sa tanang pangulo sa kalibutan ug sa tanang gitugyanan sa pangagamhanan ug pagdumala sa mga butang sa kalibutan: nga sila unta magpadayon sa pagpausbaw sa kaayohan sa tanan pinaagi sa paglihok alang sa lintunganay nga katilingbanong reporma ug batakang katilingbanong kausaban

Padayag sa Pagtoo

P: Nagatoo ako...

K: ...Sa Dios ang Amahan ang makagagahum sa tanan, Magbubuhang sa langit ug yuta; nagatoo ako kang Jesukristo, ang Iyang bugtong Anak, atong Ginoo. Gipanamkon Siya sa lalang sa Espiritu Santo, (*Moyukbo ang tanan*) ug natawo gikan ni Maria nga Ulay. Nag-antos Siya sa sugo ni Poncio Pilato, gilansang sa krus, namatay ug gilubong. Miadto Siya sa mga nangamatay. Sa ikatulong adlaw nabanhaw Siya. Misaka Siya sa langit ug nagalingkod sa too sa Dios, ang Amahan, ang makagagahum sa tanan.

pinaagi sa tininuod nga repormang agraryo nga dapig sa mga saop ug mag-uuma, sa programa sap ag-ugmad sa industriya nga dapig sa mga tawo ug sa nasud ug pinaagi sa mga serbisyong bataan ug katilingbanon nga maabot sa tanan, dili komersyalisado ni pangginansya lamang. Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

L: Alang katanong tanan, mga lumulupyong sa kalibutan ug sakop sa kalangitan: nga magdinasigay unta kita sa paghanduraw ug sa pagtukod sa usa ka umaabot nga tawhanong katilingbanon isip komunyong pinaagi sa pagka-subersibo karon alang sa mga tinguha sa batakang tawhanong katungod sa pagkaon, pamiste, puluy-anan, panglawas, yuta, trabaho ug komunikasyon. Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

L: Alang sa atong mga minahal sa kinabuhi nga milalin na: nga diha sa kapasayloan sa ilang mga sala, maila na unta ang pahulay nga dayon diha sa kasingkasing sa atong Ginoo ug Manluluwas, si Jesukristo. Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

L: Alang sa atong mga espesyal nga mga tinguha, sa kahilom sa atong tagsa-tagsa ka kasing-kasing, (*mohilum kadiyot*) Mag-ampo kita sa Ginoo.

T: *Ginoo, tabangi kami nga mahimong templo sa imong Espiritu.*

P: Ginoong Dios, mao kini ang mga pag-ampo nga mapahiubsanon namong gipadayag kanimo karon. Ihatag kanamo kining among mga hangyo ug tabangi kami kanunay nga mapuy-an ang among identidad isip Simbahan sa Kabus, ang Balaanong Puluy-anan sa imong Espiritu dinhi sa yuta. Kini among gipangayo pinaagi ni Kristo among Ginoo.

T: Amen.

LITURHIYA SA EUKARISTIYA

Paghalad sa mga Gasa

P: Dayegon ikaw, Ginoong Dios sa

tanang kalibutan, kay gikan sa imong kamanggihatagon nadawat namo kining among gihalad kanimo, ang pan nga abut sa yuta ug ginama sa kamot sa mga tawo. Mahimo kini nga kalan-on sa kinabuhi alang kanamo.

K: Daygon ang Dios hangtod sa kahangturan.

P: Dayegon ikaw, Ginoong Dios sa tanang kalibutan, kay gikan sa imong kamanggihatagon nadawat namo kining among gihalad kanimo, ang bino nga abut sa yuta ug ginama sa kamot sa mga tawo. Mahimo kini nga ilimnon nga espirituhanon alang kanamo.

K: Daygon ang Dios hangtod sa kahangturan.

P: Mga igsoon, pag-ampo kamo, aron ang ako ug ang inyong sakripisyo dawaton unta sa Dios nga Amahan, makagagahom sa tanan.

K: Dawaton unta sa Ginoo ang sakripisyo gikan sa imong mga kamot; alang sa pagdayeg ug paghimaya sa iyang ngalan, alang usab sa atong kapuslanan ug sa tibuok niyang santos nga Simbahan.

Pag-ampo Alang sa Mga Halad

P: Dawata, naga-ampo kami, O Ginoo, ang mga gasa nga gihimo dinhi ug itugot nga pinaagi niini, kadtong nangita sa imong kaayo makadawat unta dinhi niining dapita sa gahum sa mga Sakramento ug sa tubag sa ilang mga pag-ampo. Pinaagi kang Kristo nga among Ginoo.

K: Amen.

Prepasyo

P: Ang Ginoo maanaa kaninyo.

K: Maanaa usab kanimo.

P: Ibayaw ang inyong mga kasingkasing.

K: Amo nang gibayaw ngadto sa Ginoo.

P: Magpasalamat kita sa Ginoong atong Dios.

K: Angay ug matarong.

P: Angay ug matarung gayud, sibo ug makaluwas, kanunay ug sa tanang dapit nga magpasalamat kami kanimo, Ginoo, santos nga Amahan, labawng makagagahom ug walay-kinutubang Diyos.

Kay sa imong maayong kabubut-on gikahimut-an mong mopuyo dinhi niining balay sap ag-ampo aron hingpitan kami isip templo sa Espiritu Santo, binuligan sa walay kinutubang panabang sa imong grasya ug nagasidlak tungod sa himaya sa kinabuhing nakapahimuot kanimo.

Matag tuig gisantos mo ang Simbahan, ang Pangasaw-onon ni Kristo, nga gibugtaw diha sa mga edipisyo, aron nga, nagmaya isip inahan sa di-maihap nga mga anak, mahatagan unta siya sa iyang luna sa imong langitnong himaya.

Ug busa, uban sa mga Anghel ug mga Arkanghel, nagadayeg kami kanimo diha sa walay hunong nga pag-ingon:

Santos

K: Santos, Santos, Santos nga Ginoo, Dios sa kagahaman. Puno ang langit ug yuta sa imong himaya. Osana sa kahitas-an. Dayegon ang nagaanhi sa ngalan sa Ginoo. Osana sa kahitas-an.

Pag-ampo sa Eukaristiya

(Human sa konsagrasyon, ang aklamasyon:)

P: Kini ang misteryo sa pagtuo.

K: Luwasa kami, Manluluwas sa kalibutan, kay pinaagi sa imong Krus ug Pagkabanhaw gihatagan mo kami ug kagawasan.

(Sa pagtapos sa Pag-ampong Eukaristiko, ang pari moingon:)

P: Pinaagi kaniya, uban kaniya ug diha kaniya, gihatag nganha kanimo makagagahom nga Amahan, diha sa kahiusa sa Espiritu Santo ang tanang dungog ug himaya hangtod sa kahangturan.

K: Amen.

Rito sa Pangalawat

P: Karon mag-ampo kita sa Amahan, atong gamiton ang mga pulong nga gitudlo kanato sa atong Manunubos.

K: Amahan namo, nga anaa sa mga langit, pagdayegon ang imong ngalan, umabot kanamo ang imong ginharian, matuman ang imong pagbuot dinhi sa yuta maingon sa langit. Ang kalan-on namo sa matag adlaw, ihatag kanamo karong adlaw ug pasayloa kami sa among mga sala, ingon nga nagapasaylo kami sa mga nakasala kanamo, ug ayaw itugot nga mahulog kami sa panulay hinonoa luwasa kami sa dautan.

P: Mangayo kami kanimo, Ginoo, nga imo kaming luwason sa tanang dautan. Hatagi kami sa kalinaw niining panahona, aron, tinabangan sa imong kalooy, mahalikay kami kanunay sa sala ug mahilayo sa tanang kasamok, samtang nagapaabot kami nga malaumon sa pagbalik ni JesuKristo, among manunubos.

K: Kay imo man ang ginharian/ ug ang gahom ug ang himaya/ hangtod sa kahangturan.

P: Ginoong Jesukristo, nag-ingon ka sa imong mga Apostoles, “Ang kalinaw ibilin ko kaninyo, ang akong kalinaw ihatag ko kaninyo.” Ayaw tan-awa ang among mga sala, kondili ang pagsalig sa imong Simbahan ug sibo sa imong kabubut-on hatagi kami sa imong kalinaw ug kahiusa, Ikaw nga buhi ug hari hangtod sa kahangturan.

K: Amen.

P: Ang kalinaw sa Ginoo sa kanunay maanaa kaninyo.

K: Maanaa usab kanimo.

P: Ipakita ta ang atong panag-inigsoonay.

Kordero sa Dios

K: Kordero sa Dios nga nagawatang sa mga sala sa kalibutan, kaloy-i kami. Kordero sa Dios nga nagawagtang sa mga sala sa kalibutan, kaloy-i kami. Kordero sa Dios nga nagawagtang sa mga sala sa kalibutan, hatagi kami sa kalinaw.

Pangalawat

P: Kini mao ang Kordero sa Dios nga nagawagtang sa mga sala sa kalibutan. Bulahan ang gidapit alang sa panihapon sa Ginoo.

K: *Ginoo, dili ako angay nga mokalawat kanimo, apan ipamulong lamang ug mamaayo ako.*

Antipona sa Pagpangalawat:

Pagpatubo na sama sa mga buhing bato, ngadto sa pagkapuluy-anang kalagnon, ang balaanong pagkapari.

Pag-ampo Human sa Pangalawat

P: Mag-ampo kita: O Diyos, gipili mong ipalantaw kanamo ang langitnong Jerusalem pinaagi sa timaan sa imong Simbahan sa kalibutan, ihatag, naga-ampo kami, nga, sa among pag-ambit niining Sakramento, pagahimoon unta kaming templo sa imong grasya ug makasulod unta kami sa puluy-anan sa imong himaya. Pinaagi ni Kristo among Ginoo.

K: *Amen.*

Katapusang Panalangin:

P: Ang Ginoo maanaa kaninyo.

K: *Maanaa usab kanimo.*

P: Ang Diyos, Ginoo sa langit ug yuta, nga nagtigom kaninyo karon alang sa paghalad niining simbahan, maghimo unta kaninyong bahandianon sa mga langitnong bendisyon.

K: *Amen.*

P: Ug hinaut nga siya, nga nagbuot nga ang tanang niyang mga nagkatibulaag nga mga anak kinahanglang magtipon diha sa iyang Anak, motugot unta nga kamo mahimng iyang temple ug puluy-anan sa Espiritu Santo.

K: *Amen.*

P: Ug busa, sa higayon nga kamo hinlo na gayod kaayo, hinaut nga ang Diyos mopuyo diha sulod kaninyo ug motugot kaninyo nga makaangkon uban sa mga Santos sa kabilin sa kalipay nga walay katapusan.

K: *Amen.*

P: Ug ang mga panalangin sa labawng makagagahum nga Dios, ang + Amahan ug Anak ug ang Espiritu Santo, mokunsad unta diha kaninyo ug magpabilin diha kaninyo kanunay.

K: *Amen.*

Pagpanglakaw

P: Panglakaw kamo sa kalinaw, nga nagahimaya sa Ginoo pinaagi sa inyong kinabuhi.

K: *Salamat sa Dios. ■*

Ubani si Fr. Ben Alforque, MSC sa Missionaries of the Sacred Heart sa iyang **GOSPEL BREAK**, hamubo apan makalingaw nga video mahitungad sa Ebanghelyo karong Dominggo. Bisitaha ang **gospelbreak.wordpress.com**. o pinagi sa inyong smartphone o tablet i-swipe kini nga QR code.



Please help us continue publishing this Missalette with your donation.

Any amount is appreciated no matter how small.

Thank you!

Account Name:

Communication Foundation for Asia
Metrobank V-Mapa, Sta. Mesa, Manila

Branch:

SA# 3306-509-480

BDO Old Sta. Mesa Road, Manila Branch:

SA# 7090-042-836

Please fax deposit slip to 713-2736

We are located at # 4427 Old Sta. Mesa St.,
Sta. Mesa, Manila